



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 38. Rex Angliæ & S. Anselmus reconciliantur.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæculum XI. t. 1. A. C. 1105. *turi, an tecum reconciliari nos cupias, & avus, ceterique Antecessores mei obtinuerunt, ea procul dubio conditione, ut Dignitatem tuam Apostolicam, tali modo, quo Antecessores mei Antecessoribus tuis favebant, tibi servemus. Si paterno affectu nobiscum agere vis, & sincere pacem quæris, cum isto Nuncio virum explorata fidei, qui arcanas tuas literas deferat, remitte, ut quid sentias, certi fiamus, & deinde ad decidendam tanti ponderis causam solemnem Legatio decernatur.*

## §. XXXVIII.

*Rex Angliæ & S. Anselmus reconciliantur.*

*Edmer. 4. Novor.* Sanctus Anselmus accepta Papæ epistola, qua ipsum acta in Concilio Romano edocebat, intellexit, nihil causæ jam superesse, cur Lugduni maneret, & in Franciam redire statuit. Remos ire parabat, a Manasse Archiepiscopo instantissime rogatus, sed cum Charitatum\* ad Ligerim pervenisset, affertur nuntium, Comitissam Blesensem gravissimo morbo ad extrema propemodum esse deductam. Erat illa Adela Regis Angliæ soror, cui multa beneficia Anselmus in acceptis referebat. Credidit ergo se humanitatis officio non satisfacturum, nisi

\* La Charité.

nisi ægrotantem adiret, & moriturae so- Sæcul. XII.  
latium ferret. Verum Blesas perveniens A.C. 1105.  
convalescentem habuit. In illa commo-  
ratione Comitissam celare non potuit,  
cur in Franciam redire statuisset, seque  
postquam plus annis duobus emendatio-  
nem frustra expectasset, Regem excom-  
municaturum esse. Adela maximo do-  
lore afflicta, quod frater suus Rex con-  
demnandus esset ab Ecclesia, ad eum cum  
Archiepiscopo reconciliandum animum  
adjecit, persuasitque Præsuli, ut cum ipsa  
Carnotum se conferret. Rex Angliæ,  
qui tunc in Normannia versabatur, ad  
conferendum cum Anselmo sermonem  
Agliæ oppido inter Sagium & Morita-  
niam posito, condixit, cumque eo Comi-  
tissa Anselmum deduxisset, & Regem ad-  
modum mitigatum habuissent, post ami-  
cum colloquium Rex Præsuli Censuræ Ec-  
clesiæ suæ reddidit, sicque mutuo in gra-  
tiam redierunt. Non nulli Anselmo in-  
stabant, ut statim in Angliam navigaret,  
atque Rex ea addita conditione annue-  
bat, ne Archiepiscopus eos, qui a se In-  
vestituram acceperant, a sua Communi-  
one excluderet, quod promittere Ansel-  
mus noluit, sed statuit expectare redi-  
tum Legatorum, qui propter istud & plu-  
ra alia pacis stabiliendæ capita, de quibus  
inter Regem & Præsulem necdum con-  
veniebat, Romam missi fuerant. Hæc

Sæcul. XII. A.C. 1105. pacta Angliæ vigesima secunda Julii anno millesimo centesimo quinto condita sunt.

Eo majore lætitia Regem hæc reconciliatio affecit, quod fama prænuncia in Anglia, in Francia & Normannia jam tunc vulgasset, fore ut Archiepiscopus in Regem excommunicationis fulmen propediem intorqueret, ideoque illi, qui privato odio in eum accendebantur, audacius conqueri cœpissent. Itaque ut ostenderet, quantum exoptaret, Anselmum in Angliam redire, pollicitus est, se tam prompte nuncios Romam missurum, ut Archiepiscopus proximo Festo Natalis Domini Curia suæ interesse posset. Sed promisso non stetit, cumque legatos suos iter aggredi tardissime jussisset, nemo non intellexit, eum haudquaquam Anselmi in Angliam reditum cupere. Ita reliquum hujus anni tempus exactum est, & Anselmo Remos proficisci, atque Archiepiscopi & Canonico-  
rum desiderio satisfacere vacavit.

## §. XXXIX.

*Odo Episcopus Cameracensis.*

*Narrat. to. 12. Spicil. p. 444.* Hoc anno Manasses Remis Concilium celebravit, omnesque & singulos provinciæ suæ Abbates convocavit, nominatim vero Odonem Abbatem S. Martini Tornaci, qui Episcopus Cameracensis